

近代中國史料叢刊續編第二輯
沈雲龍 主編

蘇

盦

集

楊葆光撰

文藻出版社
有限公司印行

炎緒癸未
琴于杭州

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



蘇庵集

總目錄

蘇庵文錄序

一一二

蘇庵文錄目

三十四

蘇庵文錄第一卷

五十五六

說一首 序五首 記六首 跋尾題辭十四首

蘇庵文錄第二卷

五七一一一八

書六首 壽序三首 傳一首 行狀三首 歲五首

銘六首 墓志銘二首 祭文二首

蘇庵駢文目

一一九一一二二

蘇庵駢文第一卷

賦十三首

一二三一一五四

蘇庵駢文第二卷

賦十二首

一五五一一八〇

蘇庵駢文第三卷 書六首 啓二首 序四首 一八一—二一六

蘇庵駢文第四卷 壽序七首 二一七—二六二

蘇庵駢文第五卷 二六三—三〇八

壽序五首 跋二首 擬文二首 祭文二首

蘇庵詩錄序 三〇九—三一二

蘇庵詩錄目 三一三—三一四

蘇庵詩錄第一卷 古近體詩一百十首 三一五—三六四

蘇庵詩錄第二卷 古近體詩一百二十八首 三六五—四一四

蘇庵詩錄第三卷 古近體詩九十六首 四一五—四六四

蘇庵詩錄第四卷 古近體詩一百二十三首 四六五—五三四

蘇庵詩錄第五卷 古近體詩一百二十三首 五三五—五九二

蘇庵詩錄第六卷 古近體詩一百十六首 五九三—六三八

蘇庵詩錄第七卷

古近體詩一百十八首

六三九—六八六

蘇庵詩錄第八卷

古近體詩一百十首

六八七—七四二

蘇庵詞錄目

七四三—七四四

蘇庵詞錄第一卷

詞八十二首

七四五—七九六

詞人於光緒壬午之黃巖其年夏始命小胥裒集庚申
寇亂後所存詩古文詞得文二卷駢文五卷詩八卷詞
一卷詩前數卷秦君散之爲之刪薙其詩文未刪薙者
則自裁汰之然不免酬應率易之作或以人存或以事
存喟然歎曰詞人自束髮讀書見賞耆宿所期望不止
此所自待亦不止此其止此豈非命耶世之得意名場
功業烜赫非異人任詞人獨強臺未上賣文奉母迨廁
身丞簿又已祿不逮養區區詞章之末烏足以問世顧
今生已矣而游歷所至當世士大夫推誠獎借耽玩山
水流連光景復不能去懷存之以永電光石火之迹亦

使覽斯編者哀詞人之不遇也詩錄有劉君份士爲之
序援昔人一集不再序之義贅數語於文錄之前詞人
貧不能付梓助之梓者伍君芝孫張君竹齋沈君協軒
識之不敢忘高誼云光緒九年冬日紅豆詞人楊葆光

蘇盦文錄目

第一卷

說一首 序五首 記六首 跋尾題辭十四首

第二卷

書六首 壽序三首 傳一首 行狀三首 箴
五首 銘六首 墓志銘二首 祭文二首

蘇龔文錄卷一

婁 楊葆光 古醜

說

丐說

予需次之江。以己未之春。至法喜寺。佞佛者羣集。丐者紛於路。丐之中。老者。幼者。無目者。折手足者。聾者。跛者。夾道叩頭者。牽衣而乞者。呼天泣者。誦經不輟。其狀若甚可憐者。散處竹樹之間。泥涂之內。千態萬變。道旁過者。其士大夫岸然不顧。蚩蚩者乃亦往往傲之。予甚憫焉。以爲是皆窮民之無告者。然以其衆。故不能徧給也。

則擇其呼天泣者與誦經而甚可憐者資以一粟之微。竊赧然於顏以力不能登之衽席爲憾以是思我曹需次者之多猶丐之有老者幼者也其目不識一丁字猶丐之無目者也其指臂不能使踐履不能謹猶丐之折手足者也其於治忽之理耳若無所聞王道之平身若無所倚猶丐之聾者跛者也其謁大吏泥首無算拂袖作可憐狀以求進取猶丐之夾道叩頭牽衣而乞者也又有循其天理不遇於時則猶丐之呼天而泣而平日稍知學問不敢自貶以待時命則猶丐之誦經不輟其狀若甚可憐者也此固當世士大夫之所不屑而民亦

得以傲之者也。而爲之大人先生者。於其無目者。折手足者。聾者。跛者。夾道叩頭者。牽衣而乞者。固以其眾不暇問。苟有一二廉恥自絜者。不辭一舉手之勞。不特資助之。且引而登之。衽席之上。不亦足爲眾人勸邪。或笑曰。子知丐子。烏足以知此也。作丐說。

序

西湖話舊圖序

情與景二者。事之適然者也。情無所係。則託之於景。非景之足以係情也。情有所窮。姑借景以發之。而不係於景之情。亦賴以存焉。予於咸豐七年。始游西湖。流連不

忍去。聞婦喪乃歸。情之哀感。隨景振觸。既而需次於浙。時游於湖。以解其憂傷之情。其明年冬。就昏於錢塘吳氏。祖訃適至。則情益以傷。棄游屐者累月。又明年夏。君貫甫來就予。稍稍復至西湖。作游孤山記。而貫甫爲之圖。時方春和。每與之訪六橋三竺。徜徉亭榭。譚詠竟日。敘及少時事。輒拊髀太息。未嘗不以素願奄忽。奔走塵俗爲恨。忽忽三年來。屢經寇亂。脫身於兵火之劫。而遭先君之變。又殤幼子。奉母挈妻。避寇榛莽間。流離困苦。餬其口之不暇。求其與貫甫相慨歎之境。又不可得矣。予之情將何所係邪。欲係於景。而景又安在邪。昔人所

謂俛仰之間。已爲陳迹。何可勝歎。頃避地邢湖。復與貫甫遇。屬爲作西湖話舊圖。以存舊事。且使予不能盡言之情。攬斯景以不沒云。咸豐十有一年辛酉十月旣望。

嵯縣志序

代

因革盛衰之故亦微矣哉。古者外史掌四方之志。達書名於四方。至唐而有元和郡縣志。後之志郡縣者仿焉。嵯之有志。則自高似孫剡錄始。似孫迄今六百餘年。其間山川土風文物典章。爲因爲革。爲盛爲衰。不知又幾變易矣。思忠於

天子。戡定粵逆之。年筮仕於浙越。年奉檄來茲土。

故宮廢壘灌莽蕪田凋瘵之民流亡未復竊畫然傷之
蓋殫竭精思者逾一年而后蒿萊漸闢廬宇漸新每以
餘閒旁求掌故而所謂山川風土文物典章者舊志殘
缺蕪廢不可考稽察戶口損益田賦表揚忠義尤闕然
有待輒自奮曰此守土者之責也爰延甲子所得士庶
吉士蔡以瑞瑞之兄△官△授館修輯從舊志而增損
之邑人士之有文者佐之閱△月而蕝事嗟乎史才之
難也似孫之於嘉定徵引賅洽遺文軼事脈絡井井後
之人猶有議者況在近代聞見皆新而欲苞古酌今有
典有要豈非難之難與思忠則謂修志之志猶不係乎

是夫剡之爲嵎宋元之嵎又爲今之嵎也陵谷變遷多
歷年所陰陽若何而得序形勢若何而得會原隰斥鹵
若何而得宜守土者皆所宜知也守土者宜知而更湖
海寇盜之變無故籍以稽之其不幾乎南轅而北其轍
也若徒謂記名勝供吟詠則無與於外史之掌於因革
盛衰之故亦無當焉非思忠所敢知矣

性海禪師反約拾遺集合訂序

同治壬申冬予至焦山方丈芥航方與鶴山性寬重輯
性海禪師遺集以一冊畀予以求序且謂予曰師與我
法祖同輩 石谷成道人嘗爲之傳其言曰師俗姓張

氏安徽之定遠人少事耕讀事親篤孝弱冠補弟子員初究性理之學既慕黃老欲求長生最後得蘭若經論讀之有所省發父母既歿乃決志出家徧參江浙名山諸善知識窮巖邃谷探訪隱居碩德隨緣棲止往往獨行深山遇虎豹無所害聞焦山借庵爲洞下名德躬往參謁遂爲授記徧閱大藏深得華嚴奧旨撰普明觀法爲晝夜六時恒課禱寒溽暑劇病無少間久之示疾荼毘之日瑞雲盤空得舍利三遠近瞻歎初著反約集後搜其遺稿爲拾遺集石谷爲師教授師其所稱述固無溢美予卒讀其書又皆參合儒修洞明根柢異於節字

句爲美者昔歐陽公稱惟儼學於佛而通儒術喜爲詞章秘演之作雅健有詩人之意均爲石曼卿所重序其詩文集傳之歐公大儒於釋子之能爲詩文者拳拳不已若是今師之文旣原本於儒而又敦篤精進非世之儒冠儒服空疎尠文者比其於惟儼秘演足以先後焜耀芥航復能約其同志校正舊集以彰耆德均可稱也芥航與予有修志之約將爲山中尊宿表揚懿行先錄此序以爲嗃矢可乎

松江同官錄序

唐以前特重譜牒魏晉六朝取士專尙門第百家之譜

皆上吏部歐史有宰相世系表之作而於貞觀顯慶間
氏族志稱美弗置其後楊侃有職林孫逢吉有職官分
紀徐自明有宰輔編年錄雖專就在官者言實亦譜牒
之遺意今之有同官錄敘其人之爵秩則本乎職林諸
書敘其人之祖父則本乎氏族志嘉道間各省正官而
外待次者自道府以至簿尉不百人耳葆光於咸豐丁
巳來浙同官至五百人今且千餘人矣而松江太倉一
府一州向祇數十人今亦且過二百人人材之盛衰世
運之升降皆有世道者所宜留意也光緒乙丙之際
朱雲甫觀察銳意欲爲松太同官錄嘗以見屬會葆光

以憂去浙觀察亦辭世不果行比服闋復來而太倉州錄已梓行張丙章劉玉延郭誦茗三太守方商於同郡諸君輯爲郡錄集資屬稿以付手民其有缺漏及後至者以時增輯蓋非徒以攷年齒知族望其亦有以敦桑梓之雅通寮案之情在上位者思汲引之不遑在下位者勵氣節於弗替則覩斯錄也竊竊然擬之曰某也賢某也否可不儆懼乎梓旣成屬葆光序之葆光仰承三太守之意其於激勵鄉誼如是其厚且切也又何敢以不文辭光緒六年歲在庚辰冬十月婁縣楊葆光謹序

吳康甫大令刻玉臺秋序

桐城姚惜抱之言曰著書者欲人達其義故言之首尾曲折未嘗不明貫必不故爲深晦也夫著書之不深晦而明貫者莫院本若矣一人一家之事非單辭短章所能盡而悲慨鬱勃必使首尾曲折以出之此玉臺秋所爲作也吳君康父悼亡不已其友海鹽黃韻珊爲譜此本書中所稱惲士珍卽韻珊自謂也君喜交文士同時復有蕭山陸機三人者特見契於陳碩士學使陳故惜翁高第主持風雅得人特盛書中所稱高斗華卽碩士樂奇卽陸機次山也君娶於張外姑姚氏蓋惜翁之猶女而石甫之族妹書所稱姚公祠在西湖蘇公祠側祀

前明杭州守芳麓先生爲惜翁石甫之遠祖而君配宜人實姚所自出也宜人旣生長巨族深明詩書大義旣歸君事孀姑和妯娌戚黨無間言素虔奉大士嘗夢老人偕白衣者授以兒而感孕宜人初未見君舅醒以狀告君乃知爲君父詠泉先生故長子候選訓導福崇之生初名志祖以志其異及長女式順生宜人病甚其弟夢白名長庚者禱於神願減已壽十年以延姊算旣復感夢大士病霍然愈生次子福成次女式柔以迄於沒適符十年之禱禱佛下本擬有麟兆試嘯二闋以著大士之顯應韻珊以上下卷次不勻故闕之君少好博覽

不得志於有司謂當讀有用之書不宜逐逐於詞章之末益發所藏古書金石文字沈浸穠郁多識前言往行宜人復爲之收掌編纂及宦游至浙受知大吏所交多賢儁士座上客常滿宜人主持中饋脫簪供客無難色有如皋張壽承者爲故方伯張朝覲之子于役錢塘門外老病且貧臨終以身後託君君爲經紀其喪乞貸以歸其孥不足宜人復解手釧以濟之如情敘哭弟等篇中所及皆實事也宜人旣以力疾侍君之疾又感念君姑慈母不置鬱鬱不自解君疾益危宜人禱天願以身代竟得請而死君之所以悲傷不能自己者蓋不特婉

變伉儷之重自念生平以道義忠孝爲己任使非宜人
銳然請代設中道而廢則未竟之志何暇慎始圖終蓋
君於世味淡嘗權知杭湖屬縣授平湖丞而君不以爲
意嘗曰吾幸不爲煩劇得以專力闡揚爲世道人心計
所至必表彰節烈修復祠宇今杭城內外石碣相望皆
君所表古聖賢仙佛廟祀舊址或已修復或尙榛莽行
路者皆歔歔感歎以爲君莫大之功也尤盡力於岳武
穆攷出初葬舊地重新廟貌扶植忠裔每有所興作必
請於神神必應之君之精神洵足貫金石而動神明矣
次子福成助君奔走督率土木尤力宜人二子二女皆

能金石繪事諸孫多有入巽序有聲者而次君贊成闡忠之功甚偉益見宜人教澤之深矣予於咸豐戊巳間識君君已白鬢飄然迄今二十餘年勁健猶昔頃以此本乞序因得并及其生平如是桐城固多名儒惜翁尤以斯道自任有契聖賢之旨而君之以神道設教亦推廣聖賢之餘意韻珊此作曲盡纏綿悱惻之情與惜翁論文之言合而予尤有感者表忠義復祠宇皆爲有司供職中之一端乃有司者不爲而君獨毅然爲之宜人

之奇節懿行感應卽在門內可以風世之爲有司者則玉臺秋之關繫實大又豈特美其不深晦而明貫矣乎

光緒六年歲在庚辰冬十二月婁縣楊葆光譔

記

杭湖寇亂紀略

浙江自咸豐八年粵匪之亂至衢嚴金處肅清後文恬武嬉者二年四郡瘡痍未盡復也以衢州鎮總兵李定太駐衢防安徽江西竄逸之賊而又歲濟甯國軍餉百餘萬以固浙西門戶初甯防統兵爲浙江提督鄭魁士會餉絀與浙大吏相詬病事聞以鄭守水陽而以湖南提督周天受代之鄭紀律嚴兵不敢擾周愛士卒過於鄭而紀律廢弛民皆惡周而思鄭也浙江雖以甯爲

藩蔽而其要隘則在廣德山路僻徑直達杭湖巡撫羅
遵殿患之稍稍調駐衛兵守廣德周天受輒調去之九
年冬葆光方從前假按督使孫公觀於甯國糧臺孫見
周亦以廣德爲言周笑曰浙江歲費饟百餘萬以顧甯
豈顧甯邪顧浙耳如有他寇我何以謝浙公等毋多慮
也十年二月賊連陷旌德績溪太平甯國諸縣天受雖
愛士卒然遇所部兵厚往往陵辱別部別部多不堪於
是同時潰於涇縣退保甯郡城賊旣陷四縣地則趨廣
德州城無一兵一騎遂據廣天受之弟天平聞道馳救
四安羅遵殿亦調李定太至遇賊遽潰退守湖郡而賊

已四竄長興安吉武康諸邑燹火達杭州是時葆光已從孫公至杭欲赴甯相機宜阻兵不得進孫公乃赴徽乞援於統兵左副都御史張芾而令葆光偵視援軍於江蘇葆光未行而賊已至武林城下闔城震恐十門盡閉蓋二月十有九日也當是時周天受擁重兵在甯軍饑乏絕使急分兵救浙則饑道可通浙存而甯不獨亡杭城兵不及萬外無佗援惟日夜望周兵至而周竟坐守甯郡若不聞李定太新潰且素怯兵又驕亦頓兵不救居民皆登陴助守歷八晝夜至二十七日賊以礮擊破清波門城垣擁登堞福勝勇應之城中大亂將軍瑞

昌率滿兵橫擊賊賊愈眾乃退保滿城賊遂據城大掠自巡撫以下或死難或出走或閉戶不出亦有出遇賊爲賊所虜者賊之據杭城也以滿城未下恐一旦外援至則腹背受敵乃并力攻滿城將軍瑞昌殊死戰三戰三卻之越六日而巴里坤總兵張玉良援至賊大懼引去遂復杭城是役也蹂躪十餘邑之地伏尸數百里杭城內外火半月不熄金玉皮幣菽米之屬焚擲毀棄億萬萬計而離賊三四百里聞賊氛熾遷徙劫掠以力奪人婦女財帛不可勝數禍亦烈矣葆光當城陷時遇賊刀斫不死賊退全家俱免於難乃追敘見聞存其崖略

而周天受坐困甯郡。援餉俱絕。竟以敗亡云。

題蔣卓如夢歸圖記

癸亥之秋。歸自吳陵。與卓如別一年矣。以自爲夢歸圖記。索予文。卓如之言曰。因思以構境。因境以成夢。夢中之人。固自以爲真也。又安知向者之真非夢耶。噫。卓如誠達矣。予以得交於卓如之後。有以覘卓如者。敘其迹以竟其說可乎。予之初見卓如也。在金山之張涇堰。時浙省初復。粵賊連陷蘇州嘉興諸郡。金山方用兵。卓如之遇予於戎幄間。怡怡然。灑灑然。求進於文章之學。不以詖囂爲意。予心竊異之。旣金山不守。賊氛徧黃歇浦。

已南。卓如棄所有移家滬上。時南滙張君嘯山與予同在滬。卓如每與予兩人者游。夸然不以流離爲苦。予心益異之。知其得於養心者深。不以境之泰否動也。今年復遇於滬。有不能不戚然者。問其故。則以家道中落。負累日重爲憂。嘻。卓如又慎矣。予自遭喪亂。貧無立錫地。追念疇昔。恍惚如夢。疇昔之遭。固世以爲泰者。予當之欣戚各半焉。今日之遭。又世以爲否者。予當之而欣戚又各半焉。以爲泰夢也。以爲否亦夢也。人知今之視昔爲夢。而不知後之視今之亦夢也。以夢爲真。則又何真之非夢耶。予以卓如之言廣卓如也。